



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Libellvs De Angelo Cvstode R. P. Francisci Albertini Soc.
Iesv Theologi**

Albertini, Francesco

Coloniae Agrippinae, M.D.C.XIV

Angelis detegit Deus cogitationes nostras.

[urn:nbn:de:hbz:466:1-46785](https://nbn-resolving.org/urn:nbn:de:hbz:466:1-46785)

dere intentiones nostras nisi dubiè,
 & cum euidenti incertitudine) ani-
 ma nostra nuda ac sola remanebit in
 explicandis conceptibus suis, nec
 tantùm differens ab Angelis, verum
 etiam omninò muta & impotēs, cū
 in tali statu exercere non possit a-
 ctionem aliquam quæ purè spiritua-
 lis sit, & independens à phantasma-
 tibus materialibus, quæ tamen ma-
 ximè necessaria ipsi esset, vt opera-
 tio illius à puro spiritu percipere-
 tur. Si itaq; Angeli naturaliter tam
 ex suâ quàm nostrâ parte non sunt
 sufficientes ad comprehendendum
 cogitationes nostras, conueniēs er-
 gò fuit, diuinam sapientiam inueni-
 re mediũ aliquod, quo clara & eui-
 dens earum cognitio illis commu-
 nicaretur, nempe reuelando diuinũ
 verbum, in quo quasi in speculo o-
 mnia cogitationum nostrarum mo-
 menta cõsiderant. Atq; ad eò quem-
 admodum sancti in Paradyso con-
 stituti, secundum opinionẽ D. Tho-
 mæ, vident in Deo sine vlla obscu-
 ritatis aut incertitudinis nebulã, p. q. 12.

*Detegit
 Deus An-
 gelis co-
 gitatio-
 nes no-
 stras.*

S. Tho. 1.

E s quid-

quidquid in præfenti mundo effici-
tur, aut cogitatur pertinens ad sta-
tū suum; Pater enim intuetur omnes
cogitationes & actiones filij & a-
liorum qui titulo aliquo sibi con-
iuncti sunt: Institutor Religionis
cuiuspiam eodē modo oēs actiones
& cogitationes illorum, qui ordinē
suum colunt, & cæterorum qui pro-
gressui & conseruationi eius coope-
rantur: sic Angeli fixā in Deū mente
Vident in Verbo quidquid perso-
nas sibi speculariter commendatas
concernit.

*Custodia
hominum
conueni-
enter An-
gelis com-
missa fuit.*

Quæ cum ita sint, nimirum verif-
sima, nihil cōuenientius fuit, quā
custodiam hanc & gubernationem
hominum committi Angelis, qui
vt potē sapientissimi, intelligunt o-
mnes defectus ac necessitates no-
stras, vt potentissimi in quibuscun-
que periculis nobis opitulari suffi-
ciunt, & vti spiritus, celerrimam o-
pem præbere possunt, citius scili-
cet, quam nos auxiliij necessitatem
præuideamus.

Solum Superest demonstrare ar-
dentis

dentissimum desiderium & efficacem illorum voluntatem nobis subueniendi, quod quarto loco tractādū proposueramus. Ne cui verò de hac dubium relinquatur, auscultet Prophetā Dauid, qui affirmat Deum constituisse Angelos custodes tuos tam ardentibus armore salutis tuæ, ut comparari possint cum flammâ ignis, *Qui facit Angelos suos spiritus & ministros suos ignem vrentem.* Ad idem propositum refertur clarissima illa visio, quam supra descripsimus Patriarchæ Iacob videntis scalam & in eâ ascendentes ac descendentes Angelos. Vbi notandū, pari velocitate & alacritate ascendisse eos sursum, vbi contemplabantur viuentem Deum, quâ properabant deorsum, vbi offendebant quiescentem Iacob, in quo ipsum Deum de semine Iacob aliquando nasciturū venerabatur. Cæterum eadem velocitate ac prôptitudine ad nos delabuntur, Nā vt Origenes notat, postquā Verbū assumpsit humanitatem,

*Voluntas
& desiderium eorum nobis subueniendi.*

*Iacob scalam videt,
Gen. 28.*